

କୁଲମିକି ପାଞ୍ଚଲ ରାଢ଼ାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଢ଼ାମାନି ରୀ ଲମ୍ବର ଆକୁ ମୂଲୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣାଟି ରାସ୍ତକି ଆହାମାନେ
୧:୧ □ ତେସଲନିକି ମୂଲୁ ଆକୁ ରାଢ଼ିତି ଏତରଦିନା ତାୟୁ ଇତିହିଁ
କ୍ରୀସ୍ତ ଜାର୍ନାଆଡ଼ି ୫୧ ବାର୍ଷା ତାୟୁ ଇ ଆକୁ ରାସ୍ତକି ଆହାମାନେ □
ଏରିବେଲାତା ପାଞ୍ଚଲ କରନ୍ତି କୁଲମିତା ମାତେସି କାମା ୧୭:୧-୧୦ □

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି
ନେହିଁ କିଁ ପୁନାଆନା ତାମି ଅଣ୍ପୁତା କିଲିବିଲି ଆହିମାତେରି □
ଏଞ୍ଜାରି ତାମ୍ନୁ କୁଞ୍ଜିତି କାମା ପିସାନା ନିସ୍ତା ଆଡ଼େରି ଇଞ୍ଜା ଅର କ୍ରୀସ୍ତାନା
ଲକୁ ଏଞ୍ଜାରାଇଁ ସାୟେମି କିହିମାତେରି □

ଏତରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାତେରି, ଇ କାତା
ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଢ଼ିମାନେସି, ଇତିହିଁ
କ୍ରୀସ୍ତ ଖାଆ ନକେଏ ହାରେକା ଲାଗେଏ ପଲେଏ ଆହିମାତେ,
ଇଞ୍ଜା ଏଞ୍ଜାରାଇଁ ବାତିମାଲିହିଁ ରାଢ଼ିମାନେସି □ ମୀରୁ ନାମୁତା
ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା
ଆର୍ତ୍ତହିତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି
କାମା କିଦୁ ଇଞ୍ଜା ଏଞ୍ଜାରାଇଁ ବାତିମାଲିହିଁ ରାଢ଼ିମାନେସି □

ପତିତା ମାନାୟି

୧ ପାଞ୍ଚଲ ତାଙ୍ଗେ ଅଡ଼େ ତାନି ଆର୍ତ୍ତହିତାରାଇଁ ପୁଣ୍ଡିକିନାୟି □
୧:୧-୨

୨ ତେସଲନିକି କୁଲମିତାକି ଜହରା ଅଡ଼େ ପ୍ରାଡ଼ାନା □ ୧:୩-୧୨

୩ ରାନି ଦିନାତି କାତା □ ୨:୧-୧୭

୪ ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାୟି □ ୩:୧-
୧୫

୫ କୁଲମିତି ଜହରା କିହାନା ଆକୁତି ରାପ୍ନାୟି □ ୩:୧୬-୧୮

୧ ✨ପାସ୍କୁଲ, ସିଲ୍ଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣା ମାନି ତେସଲନିକିତି କୁଲମିକି ଆକୁ ରାଡ଼ିମାନମି □

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ □

ଜୀସୁ ଖେଣ୍ଡେ ଖାନାୟି ଅଡ଼େ ନୀହାୟି କିନାୟି

୩ ଏ ମା ତାୟିୟା ଅଡ଼େ ତାଙ୍ଗିସ୍ମାତେରି ମୀ ତାକି ମାମ୍ବୁ ରୁରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ □

୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମ୍ବାଟି ମୀରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ବୁମାହାପୁରୁ କୁଲମିକାଣା ମିଙ୍ଗେ ତାକି ବଡ଼ପଣ ଆହିମାନମି □

୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମ୍ବାଆଁ ଜଗେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହେଁ ନୀହାୟିତି ପାରମାଣା □

୬ ଏଚିବେଲ୍ଲା ମିଙ୍ଗେ କସ୍ତ ହୀହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହୀନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହେଁ କାତା;

୭ ଇଚିହେଁ ପ୍ରବୁ ଜୀସୁ ଏଚିବେଲ୍ଲା ଜାହାରା ବାଡ଼ୁୟୁ ଗାଟି ଦୁଡୁୟା ତଲେ ତଞ୍ଜା ମାନି ହିରୁ ଗୁଦ୍‌ଖା ତଲେ ଲାକପୁରୁଟି ତଞ୍ଜାଆନେସି □

୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହେଁ କାରୁ ମାନଖି ଆଅରି, ଏଞ୍ଜାରାଇଁ ଏଞ୍ଜାସି ଏଚିବେଲ୍ଲା ଡ଼ଣ୍ଡୁ ହୀନେସି □

୯ ଇଚିହେଁ, ଆମିନି ଦିନା ଏଞ୍ଜାସି ଜାହାରା ଦାମ୍ବୁଗାଗାରି ତଲେ ଗାସ୍ତୁରମି ବେଟାଆହାଲି ଇଞ୍ଜା ନାମାନାମି ମାହାପୁରୁ ଲକୁ ତାଣାଟି

✨ ୧:୧ ୧:୧ କାମା ୧୭:୧

କାବାଆନି ସିନାଲେହେଁ ଆହାଲି ଖାନ୍ଦେସି □ ଇଚିହଁ ମୀରୁ ମାମ୍ବୁ ହାହାମାଞ୍ଜାନି ସାକିତି ନାମାମାଞ୍ଜେରି □

୧୦ ଏ ଦିନା ଏଞ୍ଜାରି ତଣ୍ଡ ବେଟାଆନ୍ଦେରି, ଇଚିହଁ ପ୍ରବୁତି ତାଗେଟି ଇଞ୍ଜା ତାନି ବାଡ଼୍ଫୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନ୍ଦେରି □

୧୧ ଏଦାଆଁତାକି ମା ମାହାପୁରୁ ଏନିକଁ ମିଙ୍ଗେ ହାଟାମାଞ୍ଜାନି ଜଟେ ଇଞ୍ଜାନେସି, ଏଦାଆଁତାକି ମାମ୍ବୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନିକଁ ନାମୁତି ବାରେ କାମା ନେହଁକଁ କିହାଲି ଆଡ଼ିଦେରି □

୧୨ ଏଲେଆଡ଼ିହଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ଲେହେଁ ପ୍ରବୁ ଜୀସୁତି ଦରୁ ମୀ ତାଣା ଗାଞ୍ଜୁରମି ଆନ୍ଦେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆନ୍ଦେରି □

୨

ଲାଗେଏତି ମାଣ୍ଡସି

୧ ✨ତାୟିୟା ଅଡ଼େ ତାଙ୍ଗିସ୍ମାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମାର ତାନିତଲେ କୁଡ଼ା ଆନାଣି ତାକି ମିଙ୍ଗେ ବାତିମାଲି ମାଞ୍ଜାନମି □

୨ ପ୍ରବୁତି ଦିନା ଏଗାଞ୍ଜାଡ଼େୟିଏ ଇଞ୍ଜିହଁ ମୀ ଏନି ଜୀସୁ କି ବଲୁ କି ମା ତାଣାଟି ରାସ୍‌କି ଆହାମାନେ ଇଞ୍ଜି ଅଣ୍ଡପାନା ଆମିନି ଆକୁ ତଲେ ଗାଡ଼େକେଏ ଗୁଟା ଆଆଦୁ କି କିଲିବିଲି ଆଆଦୁ □

୩ ଆମ୍ବାଆସି ଏନିକିହଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇଚିହଁ ମୂଲୁଏ ଦାମ୍ବୁ ବିତ୍ରା ଗଡ଼ହା ଆନ୍ଦେ, ଅଡ଼େ ନାସାକିନି ଦାମ୍ବୁ ହିଲାଆ ମାଣ୍ଡସି ତଞ୍ଜା ଆନାୟି ମାନେ, ଆଆତଁ ପ୍ରବୁତି ଦିନା ଖାଏ □

୪ ଇଞ୍ଜାସି ଏ ଦାମ୍ବୁ ହିଲାଆଗାଟି ମାଣ୍ଡସି ପୂଜା ବେଟାଆହିମାନି ପେଣ୍ଡକା କି ମାହାପୁରୁ କପାଟି ନିଙ୍ଗିନେସି ଅଡ଼େ ବାରେତି କିହଁ ଜାହାରାଇଁ ହାଡ଼େକା ଗାଞ୍ଜୁରମି କିହାକଡ଼ିନେସି, ଇଲେକିହଁ

ମାହାପୁରୁଷ ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁଷେଏଁ
ଇନେସି □

୫ ମୀରୁ ଏଦାଆଁ ଅଣ୍ଡପି ହିଲଅତେରି କି ? ନାନୁ ମୀ ତଲେ
ମାଟିବେଲ୍ଲା ମିଙ୍ଗେ ଇ ବାରେ କାତା ୱେସାମାଞ୍ଜାତେଏଁ □

୬ ତାରିକିହା ମାନି ଦିନା ଏଝାସି ତଞ୍ଜାଆନେସି, ଆଡ଼ିଜିକେଏ ତାନୁ
ଝାନାଣି ଏନାୟି ଆକ୍ଟିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି □

୭ ଏ ପାପୁତା ଡଗୁମାନି ବାଡ଼ୁୟୁ ନୀଏଁ ଜିକେଏ କାମା କିହିମାନେ,
ସାମା ଏନାୟି ଆନାୟି ମାନେ ଏ ଆକ୍ଟା ମାନାସି ଗୁତା ଆଆପାତେକା
ଝାଏ □

୮ ଏଡିବେଲ୍ଲା ଲାଗେଏଡି ଜୀଝୁଗାଟି ମାଣ୍ଡସି ତଞ୍ଜାଆନେସି,
ଏଝାଣାଇଁ ପ୍ରୁ ଜୀସୁ ଗୁଡିଟି ହନି ଡକଅଡ଼ି ତଲେ ପାୟିନେସି ଇଞ୍ଜା
ତାନୁ ୱେଣ୍ଡେ ଝାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି □

୯ ସୟତାନତି ବାଡ଼ୁୟୁ ହୀପକି ଆହାମାନି ଲେହେଁ ବାରେଲେହେଁତି
ମିତିତି ବାଡ଼ୁୟୁ, ସିନା ଇଞ୍ଜା କାବାଆନି କାମା, ଅଡେ ନାସା ଆହିମାନି
ଲକୁତାଣା ବାରେଲେହେଁତି ଦାମ୍ବୁ ନାଡ଼ି କିନାଆଁ ତଲେ ଲାଗେଏଡି
ମାଣ୍ଡସି ୱାନେସି,

୧୦ ଇଞ୍ଜା ନାସା ଆନାରାଇଁ ବାରେଲେହେଁତି ଲାଗେଏ ଗାଟି
ନାଡ଼ିକିନି କାମା କିନେସି, ଏନାଆଁତାକି ଇଡିହୁଁ ଗେଲ୍ପିଆୟାଲି
ସାତାଡି ଜୀଝୁ ନଆନା ଅପାଆଗାଟାରି ନାସା ଆନେରି □

୧୧ ଇଦାଆଁତାକି ଏଝାରି ଏନିକିଁ ମିତିତାଣି ନାମିନେରି,
ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁୟୁ
ପାଣ୍ଡାମାଞ୍ଜାନେସି □

୧୨ ଏନିକିହୁଁ ଆମ୍ବାଆରି ସାତାଡି ନାମାଆନା ଦାମ୍ବୁ ହିଲଆଗାଟି
ତାଣା ରାହାଁ ଆହାମାନେରି, ଏଝାରି ବାରେଜାଣା ଡଣ୍ଡ ବେଟାଆନେରି
□

ଗେଲ୍ପିଆୟାଲି ହାଟ୍ଟକି ଆହାମାଞ୍ଜେରି

୧୩ ମା ପ୍ରବୁତି ଜୀଝୁତି ତାୟିୟାଁ ଅଡେ ତାଙ୍ଗିସ୍ତାତେରି, ମିଙ୍ଗେତାକି
ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି
ଇଡିହୁଁ ମାହାପୁରୁ ଜୀଝୁତି ସୁଦୁ ଇଞ୍ଜା ସାତାଡି ନାମୁତଲେ ଗେଲ୍ପି
ଆହାଲି ମିଙ୍ଗେ ମୁଲୁଡି ପାଡେୟିଲେଁ ବାଟି କିହାମାଞ୍ଜାନେସି □

୧୪ ଏଦାଆଁତାକି ଜିକେଏ ଏଞ୍ଜାସି, ମାମ୍ବୁଝେକହାମାନି ନେହୁଁ କାରୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଝୁରମି ବେଟାଆହାଲି ମିଜେ ହାଟାମାଞ୍ଜାନେସି □

୧୫ ଏଲେଆହୁଁଏ ଏ ମା ତାୟିୟାଁ ଅଡେ ତାଜିସ୍ମାତେରି ତୀରିଆହାଁ ମାଞ୍ଜୁ, ଅଡେ ମାମ୍ବୁଝେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ □

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡେ ମା ଆବା ମାହାପୁରୁ ଅଡେ ମାଜେ ଜୀଝୁନହାଁନା ତାନି କାର୍ମାଟି କାଲାକାଲାତି ସାସା ଅଡେ ନେହୁଁ ବାର୍ସୁ ହୀହାମାଞ୍ଜାନେସି □

୧୭ ଏଞ୍ଜାସି ତାନୁଏ ମୀ ହିୟାଁ ସୁସ୍ତି ହୀହାଁ ମିଜେ ବାରେଲେହେଁତି ନେହୁଁ କାମା ଇଞ୍ଜା ବଲୁତା ତୀରିକିୟାପେସି □

୩

ମା ତାକି ପ୍ରାତାନା କିଦୁ

୧ ବାରେତି ତାୟୁ, ଏ ମା ତାୟିୟାଁ ଅଡେ ତାଜିସ୍ମାତେରି ମାଜେ ତାକି ପ୍ରାତାନା କିଦୁ, ଏନିକିଁ ପ୍ରବୁତି ନେହୁଁ ବଲୁ ମୀ ତାଣା ଆଡି ଲେହେଁ ବାରେଞ୍ଜାକି ଝେଙ୍ଗା ହାଜାନା ଗାଝୁରମି ପାଣ୍ଡନେ,

୨ ଅଡେ ଏନିକିଁ ମାମ୍ବୁରୁଦି ହିଲ୍ୟାଆ ଗାଗାରି ଅଡେ ଦହଗାଗାରି ତାଣାଟି ଗେଲ୍ପି ଆନମି, ଏନାଆଁତାକି ଇଚିହୁଁ ବାରେ ତାଣା ନେହୁଁ ବଲୁ ନାମା ହିଲଅରି □

୩ ସାମା ପ୍ରବୁ ଟିକାଣାତାସି, ଏଞ୍ଜାସି ମିଜେ ତୀରି କିହାନା ଲାଗେଏ ପଲେଏ ତାଣାଟି ଗେଲ୍ପାନେସି □

୪ ମାମ୍ବୁ ମିଜେ ଏନିକିଁ ହୁକୁମି ହୀହିମାଞ୍ଜାନମି, ଏ ବାରେ ମୀରୁ କିହିମାଞ୍ଜେରି, ଅଡେ କିଦେରି, ଇଦି ମୀ ତାକି ପ୍ରବୁ ତାଣା ମା ଆଟ୍ଝା ନାମୁ ମାନେ □

୫ ଅଡେ ପ୍ରବୁ ମୀ ହିୟାଁତି ମାହାପୁରୁତି ଜୀଝୁ ନନାଣି ଇଞ୍ଜା କ୍ରୀସ୍ତତି ସାସା ବେଟାଆହାଲି ସାଝେମି କିୟାପେସି □

ବାରେଜାଣା କାମା କିନାୟିମାନେ

୬ ଏ ମା ତାୟିୟା ଅଡ଼େ ତାଜିସ୍ତାତେରି, ମାମ୍ବୁପୁରୁ ଜୀସୁ କ୍ରୀସ୍ତତି ଦରୁତଲେ ମାମ୍ବୁମିଙ୍ଗେ ଇ ହୁକୁମି ହୀହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେ ମାଣକିତା ମାନାଆନା ନିସ୍ତା ତଲେ ନୀଡିନେସି, ଏଞ୍ଜାଣି ତାଣାଟି ଜାହା ଜାହାରାଇଁ ଏଟକା କିଦୁ ।

୭ ଇଚିହ୍ମ ମାମ୍ବୁ ଏନିକ୍ କିହି ମାଚମି ଏଲେକ୍ ମୀରୁଞ୍ଜା କିନାୟିମାନେ, ଏଦାଆଁ ମୀରୁ ମୀରୁଏ ନେହ୍ କି ପୁଞ୍ଜାମାଞ୍ଜେରି, ଏନିକ୍ ମାମ୍ବୁ ମୁମୀ ତାଣା ନିସ୍ତା ତଲେ ନୀଡି ହିଲାଆତମି ।

୮ ମାମ୍ବୁ ଉଜେଏ ଆମ୍ବାଆରି ରାନ୍ଦା ତିଞ୍ଜି ହିଲାଆତମି, ସାମା ମିଙ୍ଗେ ବନ୍ତୁ ଆଆପେଞ୍ଜା ଇଞ୍ଜି ଲାଆଁ ମାଦେନା ଞ୍ଜାହୁରାଡା ଅଡ଼େ କସ୍ତଲେ କାମା କିହି ମାଚମି;

୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଡି ଆଏ, ସାମା ଏନିକ୍ ମୀରୁ, ମାମ୍ବୁ କିହିମାଚିଲେହେ କିଦେରି; ଇଦାଆଁତାକି ମାମ୍ବୁ ମୁମୀ ନକିତା ଜାହାରାଇଁ ନେହ୍ ମାଣକି ତସାଲି ତାକି ଏଲେକିତମି ।

୧୦ ଇଚିହ୍ମ ମୀ ତଲେ ମାମ୍ବୁ ମୁମୀଚାଟି ମିଙ୍ଗେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ୍ କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି ।”

୧୧ ଇଚିହ୍ମ ମୀ ତାଣା ଏଚେକା ଲକୁ ନିସ୍ତା ତଲେ ନୀଡିମାଞ୍ଜେରି ଇଞ୍ଜା ଏଞ୍ଜାରି ଏନି କାମା କିଆନା ଉଜେ ଉଜେଏ ଏଟକା ଲକୁତି କାତା ଅଣପିମାନେରି, ଇଞ୍ଜି ମାମ୍ବୁ ଚୁଞ୍ଜାମାନମି ।

୧୨ ଇଲେତାରାଇଁ ନେହ୍ ଆହ୍ ନୀତାଲି ଅଡ଼େ ତାମି ରାନ୍ଦା ତାମ୍ବୁ ନେହ୍ ଅଣ୍ପୁ ତଲେ କାମା କିହାଲି, ମାମ୍ବୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡ଼େ ହୁକୁମି ହୀହିମାଞ୍ଜାନମି ।

୧୩ ସାମା ଏ ମା ତାୟିୟା ଅଡ଼େ ତାଜିସ୍ତାତେରି ମୀରୁ ନେହ୍ କାମା କିୟାଲି ଏଚେଲାଞ୍ଜା ଞ୍ଜାହାଆଦୁ ।

୧୪ ଇ ଆକୁତା ମାମ୍ବୁ ରାଡାମାନାଣି ଆମ୍ବାଆସି ମାନଞ୍ଜି ଆଅସି, ଏଞ୍ଜାଣାଇଁ ଗୁରି କିଦୁ, ଅଡ଼େ ଏଞ୍ଜାସି ଏନିକ୍ ଲାଜା ବେଟା ଆଡନସି, ଏଦାଣିତାକି ଏଞ୍ଜାଣିତଲେ ଆଣ୍ଡାଆଦୁ;

୧୫ ଆଡିଜିକେଏ ଏଞ୍ଜାଣାଇଁ ସାତୁ ଲେହେଁ ମେହ୍ଆଦୁ, ସାମା ଏଞ୍ଜାଣାଇଁ ତାୟିଲେହେଁ ମେସାନା ସେଡନା ହୀଦୁ ।

ଆକୁଡ଼ି ରାଘ୍ନି କାତା

୧୭ ହିଡ଼ଡ଼ି ଜୀଝୁହୀନି ପ୍ରବୁ ତାନୁଏ, ବାରେବେଲା ଅଡ଼େ ବାରେ
ଝାକିଟି ମିଙ୍ଗେ ହିଡ଼ଡ଼ି ହିୟାପେସି □ ପ୍ରବୁ ମୀ ବାରେଜାଣା ତଲେ
ମାନାପେସି □

୧୭ ନାନୁ ପାଝୁଲତେଏଁ, ନା କେୟୁତଲେ ରାଟାନା ଜୀଝୁଡ଼ି
ଜହରା କିହିମାଞ୍ଜାଇଁ; ନା ବାରେ ଆକୁଡା ନା ସିନା ହୀନି ଲେହେଁ
ରାଟିମାଞ୍ଜାଇଁ, ନା ରାଟିନାୟି ଏଲେତାୟି □

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ନାମେହ୍ନାୟି ବାରେତେରି
ମିଙ୍ଗେ ଆୟାପେ □

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20